

Wednesday, July 16, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

UNION MINISTER INAUGURATES PMJVK SCHEME AT SIAHA

Union Minister of State George Kurian chuan vawiin khan PMJVK hnuaia Siaha District-a project thlan chhuah 2 sakna tur lungphum a phum.

Minority Affairs and Fisheries, Animal Husbandry and Dairying changtu Union Minister Pu George Kurian hian video conference kaltlangin PMJVK hnuaia Siaha District-a project thlan chhuah pahnih (2) - Tipa V a saktur Public Market cum Multipurpose hall leh Women Facilitation Centre bakah Siaha a sak tur Multipurpose Community Hall lungphum hi a phum a,

India in Kum 2047 ah ram hmasawn nih a tumna kawnga thil pawimawh tak ani tih sawiin hmarchhak state hrang hrangah hmasawna hnathawh tam tak a awm a ti a, Siaha District-ah PMJVK hnuaia thlan chhuah project 2 lungphum phum a ni tur chu a lawmpui thu sawiin Market Shed cum Multipurpose Centre and women facilitation centre at Tipa leh Multipurpose Community Hall at Siaha te chu Mara ram mipuite nunphung nen pawh a inrem hle tiin tangkai taka hman a nih theih nan duhsakna a hlan tih a sawi.

State BJP President leh Siaha bialtu MLA Dr K. Beichhua chuan Sawrkar Laipua sawrkarna fawng vuan mekte chu hnam hnuaiahnung zawk te ngaipawimawh a, an dinchhuah ve theihna tura theihtawp an chhuah thinna ah lawmthu a sawi a, hun lo la kal zel turah pawh an hmakhaw ngai a, hmasawna hmel an hmuh zel theihna turin thawhpuiah a sawm nghal bawk a ni.



MJA EX GRATIA

Mizoram Journalist Association member thi, Akashvani News Correspondent Pu TC Lalmuankima bakah mi pathum dang chungte hnenah vawiin khan sorkarin ralna, ex-gratia a hlan.

He hun hmanpuitu leh sorkar ex-gratia hlantu I&PR Minister Dr. Vanlalhlana chuan thu sawiin vawiina chanchinbumi thlah tak te chu, hnamdangten thihna a lo thlena nun chawimawina hun atana an hmang thin angin he khawvela an awm laia an hnena thu an sawi te, an laka thil an tih te chawimawina ni ni se a duh thu a sawi a. Chanchinbumi boral ta chungte chu tlukluhna tur dik Isuaa tlu lut zel turin a chah a ni.

Byte of Minister....

MJA President Pu C. Lalrambuatsaiha chuan vawiina ral chanchinbumite chanchin a sawi a. Vawiina ral te hi Pasaltha Daily Newspaper Editor Pu

Lalhmingmawia Pachuau, Champhai, Lunglei DDK News Stinger Pu Johan Lalhmunmawia bakah Hnehtu News Editor Pu H. Lalngaihawma leh Akashvani Aizawl News Correspondent Pu TC Lalmuankima te an ni a. Sorkar chuan Accredited Journalist te Rs. Nuai 1 sing 5 leh Accredited Journalist ni lo te cheng nuai 1 in a ral a ni.

Byte of MJA President(TC Lalmuankima chanchin)

MJA member pali te ralnaah hian I&PR Secretary Pi Betsy Zothanpari Sailo bakah I&PR hotute leh MJA member te an tel a. MJA Member ral tak chhungten thu an sawi bawk.



MTOA

Mizoram Truck Owners' Association General Secretary Pu Dina Tlau chuan kawng chhia avangin lirthei tlan tir aiin din tir a hlawk zawk tia, an lirthei din tir an tam tawh thu a sawi.

Vawiina Akashvani in a kawmnaah he thu hi sawiin Pu Dina Tlau chuan ,Mizoram chak lakna kawngpui, Sairang leh Kawnpui inkar chu tha lai a awm meuh lo tih sawiin Sairang pelh hret, Buichali nena inkar chu a chhiat zual thu a sawi a. Lei pawp leh rod lawr thlenga a awm thu leh heng hian an lirthei ke a tih puah nasat thu a sawi a. Kawng chhia avanga traffic jam a nasat thin thu sawiin, zinga driver te chhuk thla chu nileng a tangin zanah an tlaivar thin thu leh a tuk tlaiah an chhuah theih tawk thin thu a sawi ani .

Kawng chhia avangin mi tam takin lirthei din tir a hlawk zawk an tih thu sawiin tam takin an din tir thu a sawi a. Kawng siam chu NHIDCL atangin a hminga mi tlem azawng an awm ve nia an hriat thu sawiin hna a sawt loh thu a sawi a. Phai atanga bungraw lut tur pawh a luh hleihtheih loh thu a sawi a ni.

Byte of Dina Tlau.....

Pu Dina Tlau chuan tun maiah chuan kawng siam hna thawktu NHIDCL an ngaihchan thu a sawi a, kartawp lamah a hmuna kal an tum thu sawiin an kalchilh chuan kawng siam hna pawh a sawt deuha thina an hriat thu a sawi a ni.



CYMA

Manipur Group YMA hrulaituten tunhnaia khuarel chhiatna hrang hrang tuarte tanpuinan nimin khan Central YMA ah Rs. 2,09,920/- an hlan.

Manipur Group hi an President Pu Khaiminlal hoa lokalin Central YMA aiawhin President Lalhmachhuana leh OB dang ten an lo dawngsawng a. Central YMA hian ruahsur nasa avanga nunna chan leh in leh lo chhiate hnenah tunhnai khan tanpuina cheng nuai 13 sang 7 an lo sem chhuak tawh a ni.

Central YMA hian ruihhlo do pawl CADS tanpuina atan Tlangnuam Branch YMA hnen atangin Rs.5,000/- an dawng bawk a. Thilpek petu te chungah Central YMA in lawmthu an sawi a ni.

